

Inatsisartut aalajangiivissaattut siunnersuut Naalakkersuisut pisussaatinneqassasut UP2013-imut nassuaasiussasut, takussutissiorlugu inuit qanoq amerlatigisut kalaallit sulisinnaasortarineraat Europap avannaamioqatigiivisa sulisinnaasuunik taaneqarsinnaanngitsut suliffiillu suut sulisinnaasut taakku tigujumasarneraat. Nassuaammi aamma takussutissiorneqassapput suliffimminni atorfimminnilu qanoq atugassaqartitaanersut suliffissallu taamaattut inooqatigiinnermi nikanarnerusutut isigineqalersitsisarnersut. Nassuaammi naggasiunneqassaaq pitsaanerulersitsisinaanermut sunik kaammattuutissaqarnersut.

(Inatsisartunut ilaasortaq, Akitsinnguaq Olsen, Siumut)

Akissuteqaat

(Inuussutissarsiornermut Aatsitassarsiornermullu Naalakkersuisoq)

Siullermeerneqarnera

Naalakkersuisut matumuuna nassuaateqarnissamut isumaqataapput, tassani takussutissiorneqassallutik kalaallit sulisinnaasut qanoq amerlatigisut europamiut avannaamioqatigiivisa sulisuisut ilisarnaaserneqarsinnaanngitsut, sulisinnaasallu taakku sunik sulisinneqarajtarnersut.

Naalakkersuisut aamma siunnersuut peqataaffigerusuppaat siunnersuutigineqarmat nassuaat aamma imaqartinneqassammat takussutissianik kalaallit sulisinnaasui suliffimminni atorfimminnilu sunik atugassaqartitaanersut.

Tassami sulisitsisoq pisussaavoq kommuunip allaffeqarfianut atorfinititsinermi isumaqatigiissutaasup assilineranik nassiuississalluni, sulisitsisoq Kalaallit Nunaata avataaneersumik sulisussarsiorqassappat, taamaammallu atorfinititsinermi assersuutissaqartariaqarani inooqatigiinnermi nikanarnerulersitsisinaasumik. Naalakkersuisulli peqataaffigerusussinnaalluarpaat siunnersuutigineqartoq misissorneqassasoq, tamannalu ilumoornersoq.

Naalakkersuisut immaqa tamakkiivinngikkaluartumik ullumikkumiit nassuaateqarfigisinnaalluarpaat inuit qanoq amerlatigisut sulisinnaasuni Europap avannaamioqatigiivisa sulisinnaasuinit pisuunnginnersut suliffinnilu suni sulisinneqarnersut. Naalakkersuisummi aasaq qaangiuuttoq Kalaallit Nunaanni Naatsorsueqqissaartarfik aqqtigalugu qassiussusersiuisimapput. Taamaattorli oqaatigisariaqarpoq inuit uani pineqarmata ukiup aallartinnerani naaneranilu Kalaallit Nunaanni najugaqartutut nalunaarsorneqarsimasut. Tamanna paasisariaqarpoq inoqartussaammat nalunaarsukkanut ilaatinneqanngitsunik, ukioq naanagu suliffeqarsimammata, imaluunniit 1. januar kingoqqullugu maanga nuussimammata imaluunniit ukioq taanna suli 31. december nallinngikkaa Kalaallit Nunaannit qimagussimammata. Taamatuttaaq inoqarpoq Kalaallit Nunaanni Naatsorsueqqissaartarfipr—nr-muinik pigisaqarfiginngisaanik naatsorsuutinilluunniit peerneqarsimasunik. Nangaassutitaqartut tamakku tamakkerlutik kinguneraat Europap avannaamioqatigiivisa sulisinnaasorinngisaat maannakkut Naalakkersuisut kisitsisaataannit amerlanerunissaat.

Nangaassutaasinnaasut qulaani taagorneqartut eqqarsaatigalugit naatsorsuineremi takutinneqarpoq 2007-imi Europap avannaamioqatigiivineersuunngitsut 150 kalaallit suliffeqarfiini sulisorineqartut, kisitsisillu taakku 2010-mi 210-nut qaffariarsimasut, tamannalu pissuteqarneruvoq sulisartut Aasiameersut amerliartormata.

Naatsorsuineremi aammattaaq takutinneqarpoq, aasiamiat amerlanersaat akunnittarfinni sutorniarfainnilu sulisorineqartartut; amerikamiut amerlanerpaat pisortat allaffeqarfiiniittuupput, inuilli

Europameersut amerlanertigut pisortat allaffeqarfiini, sanaartornermi angallassinermilu atorfefqartinneqartut.

Maannakkumut naatsorsuutitsinni inuit arlalissuit peerneqareersimapput, taakkulu nassuaatissami takkuttussami ilanngunniarneqarsinnaajumaarput.

Taama oqaaseqarta Naalakkersuisut siunnersuut isumaqatigisinnaavaat naassuaatissap suliartortut avataaneersut amerlassusiisa naatsorsorniissaannut, sumi suliffeqarnersut atorfinitssinnejarnermilu sunik atugassaqartitaanersut.